



# Deddf Anghenion Dysgu Ychwanegol a'r Tribiwnlys Addysg (Cymru) 2018

2018 dccc 2

## RHAN 2

### ANGHENION DYSGU YCHWANEGOL

## PENNOD 3

### SWYDDOGAETHAU ATODOL

#### *Swyddogaethau amrywiol*

#### **65 Dyletswyddau i ddarparu gwybodaeth a help arall**

- (1) Mae is-adran (2) yn gymwys os yw awdurdod lleol yn gofyn i berson a grybwyllir yn is-adran (4) arfer swyddogaethau'r person i ddarparu gwybodaeth neu help arall i'r awdurdod, sy'n ofynnol ganddo at ddiben arfer ei swyddogaethau o dan y Rhan hon.
- (2) Rhaid i'r person gydymffurfio â'r cais oni bai bod y person yn ystyried y byddai gwneud hynny—
  - (a) yn anghydnaws â dyletswyddau'r person ei hun, neu
  - (b) fel arall yn cael effaith andwyol ar arfer swyddogaethau'r person.
- (3) Rhaid i berson sy'n penderfynu peidio â chydymffurfio â chais o dan is-adran (1) roi rhesymau ysgrifenedig dros y penderfyniad i'r awdurdod lleol a wnaeth y cais.
- (4) Y personau yw—
  - (a) awdurdod lleol arall;
  - (b) awdurdod lleol yn Lloegr;
  - (c) corff llywodraethu ysgol a gynhelir yng Nghymru neu yn Lloegr;

---

*Statws* This is the original version (as it was originally enacted).

---

- (d) corff llywodraethu sefydliad yn y sector addysg bellach yng Nghymru neu yn Lloegr;
  - (e) perchennog Academi;
  - (f) tîm troseddwyd ifanc ar gyfer ardal yng Nghymru neu yn Lloegr;
  - (g) person a chanddo gyfrifoldeb am lety ieuencid perthnasol yng Nghymru neu yn Lloegr;
  - (h) Bwrdd Iechyd Lleol;
  - (i) ymddiriedolaeth GIG;
  - (j) Bwrdd Comisiynu'r Gwasanaeth Iechyd Gwladol;
  - (k) grŵp comisiynu clinigol;
  - (l) ymddiriedolaeth sefydledig GIG;
  - (m) Awdurdod Iechyd Arbennig.
- (5) Caiff rheoliadau ddarparu, pan fo person o dan ddyletswydd i gydymffurfio â chais o dan yr adran hon, fod rhaid i'r person gydymffurfio â'r cais o fewn cyfnod rhagnodedig, oni bai bod eithriad rhagnodedig yn gymwys.